



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

**ODGOVORI NA PITANJA BANAKA U VEZI SA PRIMJENOM
Odluke o upravljanju kreditnim rizikom i utvrđivanju očekivanih kreditnih
gubitaka („Službene novine Federacije BiH“, br. 44/19, 37/20)**

Datum odgovora:	Ažurirani odgovori 04.09.2023. godine
Područje:	Odluka o upravljanju kreditnim rizikom i utvrđivanju očekivanih kreditnih gubitaka (u daljnjem tekstu: Odluka)
Broj pitanja:	1
Pitanje banke:	U Odluci, a ni u Uputstvu za klasifikaciju i vrednovanje finansijske aktive se nigdje ne spominje knjiženje efekata beznačajnih modifikacija – da li banka može knjižiti efekte i u slučaju beznačajnih modifikacija (dobitak/gubitak modifikacije).
Odgovor FBA:	Odlukom i Uputstvom za klasifikaciju i vrednovanje finansijske aktive broj: 01-2583/19 od 05.07.2019. godine (u daljnjem tekstu: Uputstvo) propisuju se minimalni zahtjevi za postupanje banke pri upravljanju kreditnim rizikom i utvrđivanju očekivanih kreditnih gubitaka, u skladu sa primjenjivim računovodstvenim standardima i propisima. U slučajevima kada određena pitanja relevantna za primjenu računovodstvenih standarda nisu obuhvaćena navedenim propisima, banka je dužna internim aktima definirati postupanje na osnovu računovodstvenih standarda i propisa. S tim u vezi, iako Odlukom i Uputstvom nije obuhvaćeno postupanje sa modifikacijama koje nisu značajne, isto je potrebno utvrditi internim aktima banke, a u skladu sa primjenjivim računovodstvenim standardima i propisima.
Broj pitanja:	2
Pitanje banke:	U članu 11. stav (5) tačka c) alineja 1) Odluke je navedeno da je banka dužna da izvrši računovodstveni otpis bilansne izloženosti dvije godine nakon što je banka knjigovodstveno evidentirala očekivane kreditne gubitke u visini od 100% bruto knjigovodstvene vrijednosti te izloženosti i istu proglasila u potpunosti dospjelom, osim izloženosti po osnovu finansijskog lizinga. Da li banka internim aktom može da utvrdi kraći rok od dvije godine?
Odgovor FBA:	Na osnovu člana 11. stav (5) tačka c) alineja 1) Odluke, banka svojim internim aktima ne može utvrditi kraći rok od dvije godine za izvršenje računovodstvenog otpisa nakon što je banka knjigovodstveno evidentirala očekivane kreditne gubitke u visini od 100%

	bruto knjigovodstvene vrijednosti, odnosno potraživanje proglasila u cjelosti dospjelim, osim izloženosti po osnovu finansijskog lizinga.
Broj pitanja:	3
Pitanje banke:	U članu 25. stav (8) je navedeno da se za izloženosti definisane članom 2. stav (1) tačkom b) Odluke (nekvalitetne izloženosti) smatra da postoji neizvjesnost naplate kamatnih prihoda, te se odgađa priznavanje tih prihoda u bilansu uspjeha do njihove naplate. Ta potraživanja po osnovu kamata banka treba da evidentno vodi do njihove naplate. Da li banka može priznati „unwinding“ u slučaju da nije došlo do promjena pretpostavki za naplatu izloženosti niti visine izloženosti?
Odgovor FBA:	Za izloženosti raspoređene u nivo kreditnog rizika 3, banka može priznati „unwinding“ u slučaju da nije došlo do promjena pretpostavki za naplatu izloženosti, niti promjene u visini izloženosti. Pri tome, banka je dužna dokumentovati i dokazati realnost pretpostavki za naplatu izloženosti u predviđenom roku, kao i primijeniti minimalne stope očekivanih kreditnih gubitaka propisane članom 25. stav (1) Odluke. Banka koja priznaje „unwidning“ dužna je internim aktima detaljno utvrditi primjenu unwinding-a, uključujući i način obračuna i stavke knjiženja.